

# Trottinett

**Gross und Chlii** (Christian Hugelshofer, Patrik Meier, Monika Schär)

Di Wecker isch nid ab, es isch scho hell  
macksch Di parat und fahrsch viel z'schnell  
plötzlich chunnt's Dir z'Sinn, so ne Mischt  
d'Stross isch läär - will Sunntig Morge isch

es schneit und Du hesch no Summerpneu  
fahrsch de Pass dürab und s'rütscht wie blöd  
brämsisch und scho bisch im freie Fall  
deför bisch jetzt schneller unde im Tal

**mängisch fühl'sch Di gross und mängisch chlii  
stohsch im Räge oder Sunneschiin  
Du weisch nid was de isch und was wird sy  
drum gniess es jetzt – es isch so schnäll verby**

Du hesch Dis Händy immer mit deby  
hocksch uf em WC, wo chönnt's ächt sy?  
wo Du' uufstohsch – pflätsch – weisch wo's isch  
do unte taucht's grad ab wie ne Fisch

Friitig Obe, hockisch a de Bar  
di schöni Frau det, sie lacht Di a  
gohsch zu ihre, hesch en Spruch bereit  
doch sie seit: i ha dä näbe Dir gmeint